

O Pleno do Concello de Esgos, en sesión ordinaria do día 19 de setembro de 2024, aprobou as bases reguladoras de axudas a natalidade para o ano 2024. Para os efectos oportunos, mediante Resolución da Alcaldía de 26 de setembro de 2024, aprobouse a correspondente convocatoria conforme as seguintes cláusulas:

PRIMEIRO. OBXECTO.

As presentes bases teñen por obxecto regular a convocatoria para a tramitación e concesión de subvencións destinadas ao fomento da natalidade no Concello de Esgos.

A finalidade é a concesión de axudas a familias para sufragar os gastos derivados do nacemento, acollemento ou adopción de nenos e nenas do Concello de Esgos.

A axuda consistirá nunha prestación económica de pago único por nacemento, adopción ou acollemento de menores acaecidos no ano 2024, que se outorgará en función do cumprimento dos requisitos establecidos nesta normativa.

SEGUNDO. GASTOS SUBVENCIONABLES.

Serán subvencionables aqueles gastos destinados á adquisición de artigos para o coidado dos menores, tales como:

- Vestimenta, calzado...
- Utensilios de puericultura, artigos de seguridade para o bebé.
- Produtos sanitarios, de hixiene e medicamentos. - Alimentación infantil.
- Cueiros, Baberos, chupetes, cambiador, carriño, mobiliario...

TERCEIRO. BENEFICIARIOS.

Poderán ser beneficiarios das axudas que rexen as presentes bases:

- O/A proxenitor/a de un/a menor nado/a entre o 1 de xaneiro ao 31 de decembro de 2024. - O/A adoptante dun/a menor sempre que a constitución da adopción teña lugar entre o 1 de xaneiro e 31 de decembro de 2024.
- O/A titor/a de un/a menor sempre que a constitución da tutela teña lugar entre o 1 de xaneiro ao 31 de decembro de 2024.

CUARTO. REQUISITOS E OBRIGACIÓNS DOS BENEFICIARIOS.

En todos os casos sinalados no punto anterior deberanse cumprir as seguintes condicións:

- A persoa solicitante ten que figurar empadroad/a en o Concello de Esgos na data da solicitude da Axuda e acreditar unha antigüidade no empadramento

do mesmo, polo menos, un ano ininterrompido e inmediatamente anterior á presentación da solicitude.

- O/a menor que causa o dereito de axuda ten que constar rexistrado/a en o padrón de habitantes do Concello de Esgos na data da presentación da solicitude.
- Cada menor dará dereito á presentación dunha única solicitude.
- A persoa solicitante non poderá ser debedora da Administración Tributaria, Seguridade Social ou a Facenda Municipal.
- Non estar incurso en ningún dos supostos de prohibición para a percepción de subvencións que se establece nos artigos 10 a 13 da Lei 38/2003, do 17 de novembro, Xeneral de Subvencións, e da Lei 9/2007, do 13 de xuño, de Subvencións de Galicia.

As persoas beneficiarias da subvención terán as seguintes obrigacións perante o Concello de Esgos:

- Cumprir o obxecto da subvención, é dicir, realizar o gasto en beneficio dos menores, establecidos no punto segundo.
- Someterse ás actividades de control realizadas polo Concello para comprobar a veracidade dos datos consignados na documentación presentada, así como o cumprimento dos requisitos para a percepción da axuda.
- Comunicar ao Concello calquera modificación das circunstancias esixidas para a concesión da Axuda.

QUINTO. INCOMPATIBILIDADES.

A presente subvención é incompatible con outras concedidas por outros Concellos que teñan o mesmo fin público.

A percepción da axuda é compatible con calquera outra coa mesma finalidade concedida polo Estado ou a Comunidade Autónoma de Galicia.

SEXTO. DISPOÑIBILIDADE ORZAMENTARIA.

Para a concesión das axudas convocadas destínase a cantidade de 1.500 euros, que se financiarán con cargo á aplicación orzamentaria 231.489.00 consignadas no Orzamento Municipal Vixente.

As axudas concederanse por rigorosa orde de presentación ata esgotar o crédito orzamentario asignado. Non se poderá exceder do límite orzamentario.

SÉTIMO. CONTÍA.

A contía das axudas se prorrata entre as diferentes solicitudes presentadas, cunha contía máxima de 500,00 euros por solicitante, ata esgotar o crédito orzamentario consignado para o efecto.

OITAVO. SOLICITUDES E DOCUMENTACIÓN.

As persoas interesadas deberán presentar a solicitude relacionada no ANEXO I e a seguinte documentación:

- a) Fotocopia do Documento Nacional de Identidade, NIE ou pasaporte do Solicitante.
- b) Fotocopia compulsada do Libro de Familia do/a solicitante.
- c) Certificado de nacemento expedido polo Rexistro Civil, en caso de nacementos.
- d) Copia autenticada da Resolución Xudicial en caso de adopción ou tutela.
- e) Certificación dos datos bancarios onde se pretenda recibir o importe da axuda.

Os servizos administrativos do Concello incorporarán de oficio, durante a instrución do expediente, Certificado de empadramento dos beneficiarios segundo os requisitos especificados anteriormente que inclúa ao nado, adoptado ou acollido.

NOVENO. LUGAR E PRAZO DE PRESENTACIÓN DE SOLICITUDES.

A efectos de presentar a solicitude, estableceranse dous prazos:

- a) Para aqueles nenos/as nados, adoptados ou acollidos entre o 1 de xaneiro de 2024 e a data de publicación das bases no Boletín Oficial da Provincia, o prazo será de 10 días hábiles contados a partir do día seguinte da súa publicación.
- b) Para aqueles nenos/as nados/as, adoptados/as, ou acollidos entre o día seguinte da publicación das bases no Boletín Oficial da Provincia e o 31 de decembro de 2024, o prazo será de 10 días hábiles a contar desde o día seguinte do nacemento, adopción ou acollemento.

As solicitudes deberán presentarse, debidamente cumprimentadas, no Rexistro Xeral do Concello de Esgos, ou por calquera medio dos establecidos no artigo 16.4 da Lei 39/2015, do 1 de outubro, de Procedemento Administrativo Común das Administracións Públicas.

DÉCIMO.PUBLICIDADE.

A relación das subvencións concedidas publicaranse na Base de Datos Nacional de Subvencións, así como no Taboleiro de Anuncios e Sede electrónica do Concello de Esgos (<https://concelloesgos.sedelectronica.gal/info.0>), con expresión da convocatoria, crédito orzamentario, beneficiarios e contías percibidas.

UNDÉCIMO. PROCEDIMIENTO DE CONCESIÓN E ÓRGANOS COMPETENTES.

A subvención obxecto das presentes bases outorgarase en réxime de concorrancia non competitiva, por non ser necesaria a comparación e prelación das solicitudes presentadas que reúnan os requisitos establecidos, conforme o previsto no artigo 19.2 da Lei de Subvencións de Galicia.

De conformidade co establecido no artigo 68 da Lei 39/2015, do 1 de outubro, de Procedemento Administrativo Común das Administracións Públicas, se a solicitude non reúne os requisitos sinalados nas presentes bases, requirirase ao interesado para que, no prazo de dez días, emende a falta ou acompañe os documentos preceptivos, con indicación de que, se así non o fixese, teráselle por desistido da súa petición, previa resolución que deberá ser ditada nos termos previstos no artigo 21 da Lei 39/2015, do 1 de outubro, de Procedemento Administrativo Común das Administracións Públicas.

As axudas tramitaranse por un procedemento abreviado, por resolución de Alcaldía, previo informe da Intervención Municipal como órgano instructor.

A Resolución de concesión ou denegación será motivado, quedando constancia no expediente dos fundamentos da resolución que se adopte. A modificación de calquera das circunstancias que se tivesen en conta para a concesión das mesmas deberá ser posta en coñecemento do Concello, que poderá dar lugar á modificación da resolución.

DUODÉCIMO. NOTIFICACIÓN.

1. As notificacións das resolucións dos expedientes e actos administrativos practicaranse preferentemente por medios electrónicos. As persoas interesadas poderán decidir e comunicar en calquera momento que as notificacións sucesivas practíquense ou se deixen de practicar por medios non electrónicos, mediante os modelos normalizados dispoñibles.
2. A persoa interesada deberá manifestar expresamente a modalidade escollida para a notificación (electrónica ou en papel) no formulario.

DÉCIMO TERCEIRO. XUSTIFICACIÓN DA SUBVENCIÓN E PAGO.

A documentación xustificativa a presentar polo beneficiario serán as seguintes:

- As facturas orixinais, expedidas a nome da persoa solicitante da axuda e os conceptos deberán aparecer suficientemente claros e descritos para a adecuada verificación da correspondencia cos conceptos subvencionables.
- Copia da receita médica, no seu caso.
- Xustificantes de pago bancario, cando este realícese mediante transferencia bancaria ou tarxeta.

O pago das axudas efectuarase mediante transferencia bancaria a nome da persoa solicitante, tras a xustificación por medio da presentación dos xustificantes detallados no punto anterior.

O prazo de xustificación para os solicitantes de menores nados, adoptados ou acollidos será ata o 15 de decembro de 2024.

O Prazo de xustificación para os solicitantes de menores nados, adoptados ou acollidos desde o 15 ao 31 de decembro será ata o 20 de xaneiro de 2025.

DÉCIMO CUARTO. INCUMPRIMENTO DAS OBRIGACIÓNS POR PARTE DAS PERSOAS BENEFICIARIAS.

1. Se as persoas beneficiarias da axuda non cumprisen coas obrigacións establecidas nas presentes bases, terán que reintegrar a subvención percibida, así como no caso de que se producisen modificacións na súa situación durante o período de solicitude que determinase o incumprimento dos requisitos para ser beneficiario da subvención.
2. No caso de que a xustificación do gasto realizado fose inferior á cantidade da subvención, o importe da axuda será o do gasto xustificado subvencionado.

DÉCIMO QUINTO. NORMATIVA SUPLETORIA.

En todo aquilo non previsto nas presentes bases, será de aplicación o disposto na Ordenanza Xeral de Subvencións do Concello de Esgos, Lei 38/2003, do 17 de novembro, Xeneral de Subvencións, a súa normativa de desenvolve, e a Lei 9/2007, do 13 de xuño, de Subvencións de Galicia.

ANEXO I (SOLICITUDE)

SOLICITUDE DE AXUDAS A NATALIDADE DO CONCELLO DE ESGOS

SOLICITANTE

Nome e apelidos do solicitante: _____

DNI: _____

Enderezo: _____

Correo Electrónico: _____

Teléfono: _____

NENO/A (menor que causa o dereito a axuda).

Nome e apelidos: _____

DNI: _____

Enderezo: _____

NENO/A (menor que causa o dereito a axuda):

Nome e apelidos: _____

DNI: _____

Enderezo: _____

EXPÓN

1. Que é O/A proxenitor/a de un/unha menor nacido/a entre o 1 de xaneiro de 2024 ó 31 de decembro de 2024.(o)

Que é O/A adoptante de un/unha menor sempre que a constitución da adopción teña lugar entre o 1 de xaneiro de 2024 e o 31 de decembro de 2024.(o)

O/A titor/a de un/unha menor sempre que a constitución da tutela teña lugar entre o 1 de xaneiro de 2024 ó 31 de decembro de 2024.

(Marcar o que proceda)

2. Que figura empadroadado no Concello de Esgos na data da solicitude da axuda e con unha antigüidade de empadramento de un ano ininterrompido e inmediatamente anterior a data de presentación da solicitude.
3. Que o/a menor que causa o dereito a axuda está inscrito/a no Padrón de habitantes do Concello de Esgos na data de presentación da solicitude.
4. Que cumpre os requisitos previstos para a obtención de axudas previstas no artigo 13 da Lei 38/2003, de 17 de novembro, Xeral de Subvencións, para obter a condición de beneficiario/a, sustituíndo esta declaración a presentación de certificacións na acreditación do cumprimento das obrigas tributarias e da Seguridade Social por tratarse de un dos supostos previstos na letra e) do artigo 31.7 da Lei 9/2007, de 13 de xuño, de Subvencións de Galicia.
5. Que se compromete ó cumprimento das obrigas que como beneficiario da axuda establecen as bases reguladoras.

SOLICITA

A concesión da axuda prevista nas Bases Reguladoras da Convocatoria aprobadas polo Pleno do Concello de Esgos o 19 de setembro de 2024.

DOCUMENTACIÓN QUE APORTA:

- a) Fotocopia do Documento Nacional de Identidade, NIE ou pasaporte do Solicitante.
- b) Fotocopia compulsada do Libro de Familia do/a solicitante.
- c) Certificado de nacemento expedido polo Rexistro Civil, en caso de nacementos.
- d) Copia autenticada da Resolución Xudicial no caso de adopción ou tutela.
- e) Certificación dos datos bancarios onde se pretenda recibir o importe da axuda.



Teléf.: 988 29 00 00 - Fax: 988 29 00 06 - 32720 ESGOS (Ourense)
www.concelloesgos.com - e-mail: esgos@concelloesgos.com

En Esgos, a ___ de _____ de 2024.

Sinatura do/a interesado/a